

**Politikkikkut partiit naatsorsuutaasa tamanut saqqummiuttalernissaat pillugu
Inatsisartut Inatsisissaattut nr. xx ulloq xx 2011 siunnersuut**

pillugu

Inatsisinut Ataatsimiititaliap

ISUMALIUTISSIISSUTAA

Siunnersuutip aappassaaneerreqarnerani saqqummiunneqartoq

Suliarinninnermini Inatsisinut Ataatsimiititaliaq ukuninnga inuttaqarpoq:

Inatsisartunut ilaasortaq Isak Hammond, Inuit Ataqtigiit, siulittaasoq
Inatsisartunut ilaasortaq Andreas Uldum, Demokraatit, siulittaasup tullia
Inatsisartunut ilaasortaq Kristian Jeremiassen, Siumut
Inatsisartunut ilaasortaq Storm Ludvigsen, Inuit Ataqtigiit
Inatsisartunut sinniisoq Andersine H. Kristiansen, Siumut, ataatsimiititaliamut
ilaasortaagallartoq

Siunertaq

Politikkikkut partiinut tunissutit annertuut tamanit paasisaqarfigineqarsinnaanissaasa qulakkeerneqarnissaa inatsisissatut siunnersuutikkut siunertarinqarpoq. Anguniagaq tamanna ataatsimiititaliamit aamma tapersersornartinneqartoq siullermeerinermi annertuumik taperserneqartoq ataatsimiititaliamit paasivaa.

Tusarniaaneq

Oqartussanut kattuffinnullu il.il. attuumassuteqartunut Naalakkersuisut tusarniaanissaat aammalu tusarniaanermut akissutinik ataatsimiititaliamut ingerlatitsinissaat siunertaralugu aappassaaneerinissap 2012-imi upernaakkut ataatsimiinnissamut kinguartinneqarnissaa siunnersuuteqartup siunnersuutigigaa inatsisissatut siunnersuummut nassuiaatini allassimavoq.

Tamanna Inatsisartunit kissaatigineqassappat tusarniaanerup ingerlanneqarnissaanut Naalakkersuisut peqataasinnaasut Naalakkersuisut Siulittaasuata siullermeerinermi oqaatigaa. Tusarniaanerli pisariaqanngitsutut Naalakkersuisunit maannangaaq isigineqartoq Naalakkersuisut Siulittaasuata erseqqissarpaa: Siunnersuummik sunnerneqartussat tassaapput partiit, taakkulu Inatsisartut siullermeerineranni siunnersuut pillugu isummersornissamut periarfissaqarput.

Partiit soqutigisaasa siunnersuutikkut kisimik sunnigaanissaat eqqarsaatigalugu oqartussat kattuffiillu il.il. tusarniaaffiginninnissaat ataatsimiititaliamit eqqarsarnartoqartinneqanngilaq.

Naalackersuinikkut sulinermut aningaasatigut tapiissuteqartarneq pillugu Inatsisartut inatsisaannut atuuttumut tunngatillugu

Inatsisit immikkoortut marluk pigineqarnissaat naapertuunnersoq imaluunniit aningaasanik tunissuteqartut aqqisa tamanut saqqumiunneqartarnissaat pillugit maleruagassanik naalackersuinikkut sulinermut aningaasatigut tapiissuteqartarneq pillugu Inatsisartut inatsisaanni atuuttumi ilanngussisoqartariaqarnersoq isumaliutigeqqullugu ataatsimiititaliaq Naalackersuisunit kaammattorneqarpoq.

Apeqqummut tassunga tunngatillugu ataatsimiititaliap aallarniutigalugu oqaatigissavaa ilusiliinerup Danmarkimi atorneqartup assinganik ilusiliinissaq siunnersuuteqartup toqqarsimagaa, tassalu politikikkut partiinut pisortanit tapiissutigineqartartut pillugit ataatsimik inatsiseqarnissaq aammalu inuinnaat politikikkut partiinut tapiissuteqartarnerannut tunngasumik allamik inatsiseqarnissaq.

Naalackersuisut tikkuagaattut politikikkut partiit naatsorsuutaasa tamanut saqqummiunneqartarnissaat pillugu maleruagassanik inatsisissatut siunnersuut taamatullu naalackersuinikkut sulinermut aningaasatigut tapiissuteqartarneq pillugu Inatsisartut inatsisaat atuuttoq imaqarput. Tamanna inatsisissatut siunnersuummi § 3-mut nassuiaatini aamma allassimavoq.

Aalajangersakkanik 1. juli tikitsinnagu naatsorsuutunik tunniussinissamik partiinut pisussaaffiliisunik aammalu naatsorsuutit taakku tamanut saqqummiunneqarnissaannik Inatsisartut Siulittaasoqarfiannut pisussaaffiliisunik maleruagassani marluusuni aalajangersaasoqarsimanera ajornartorsiuutissartaqartutut isigineqanngilaq. Taamaalillutik partiit ataasiakkaat naatsorsuutunik assigiinngitsunik marlunnik Inatsisartut Siulittaasoqarfiannut nassiussisariaqanngillat, naatsorsuutinilli ataatsinik maleruagassani marluusuni piumasaqaatinut eqquutsitsisunik nassiussiinnarsinnaallutik.

Tamatuma erseqqissarneqarnissaa Inatsisartut Siulittaasoqarfiata kissaatigippagu tamanna naalackersuinikkut sulinermut aningaasatigut tapiissuteqartarneq pillugu Inatsisartut inatsisaanni § 9-p naleqqussarlugu iluarsissuteqarfigineratigut pisariinnerpaamik pisinnaavoq¹.

¹ Aalajangersagaq assersuutigalugu ima oqaasertalerneqarsinnaavoq, tamatumani Inatsisartuni partiinut tunngatillugu (§ 9, imm. 2) politikikkut partiit naatsorsuutaasa tamanut saqqummiunneqarnissaat pillugu Inatsisartut inatsisaat innersuussutigineqarluni:

” § 9. Inatsisartut inatsisaat manna naapertorlugu tapiissutit bankimi kontumut immikkut inissitamut ikineqassapput, taakkulu siunertanut allanut atorneqassanngillat.

Imm. 2. § 2, imm. 1 malillugit tapiissutinik tigusisartut ukiut tamaasa qinnuteqarnerminnut ilanngullugu Inatsisartut Siulittaasoqarfiannut uppersarlarlugu nalunaarutigisassavaat qaammatisiutit ukiuanni qaangiuttumi tapiissutit naalackersuinikkut sulinermut ilumut atorneqarsimasut, kiisalu tamanna ingerlateqqinneqassamaartoq. Aammattaq politikikkut partiit naatsorsuutaasa tamanut saqqummiunneqarnissaat pillugu Inatsisartut inatsisaanni maleruagassat naapertorlugit ukiut tamaasa kingusinnerpaamik 30. juni ukiumut siulianut naatsorsuutunik kukkunersiuukkanik Inatsisartut Siulittaasoqarfiannut nassiussisoqartassaaq.

Inatsisissatulli siunnersuummi saqqummiunneqartumi maleruagassat assingisa naalackersuinikkut sulinermut aningaasatigut tapiissuteqartarnek pillugu Inatsisartut inatsisaanni atuuttumi ilanngunneqarnissaat inatsimmik ilusilersuilluni annertuumik suliaqarnissaq kingunerissavaa, tamannali inatsisilerinikkut allatigulluunniit ataatsimiititaliamit siunnersuutigineqartumut sanilliulluni pitsaaquteqarnerussanani.

Inatsisinut Ataatsimiititaliap inassuteqaataa

Siunnersuut akuersissutigineqassasoq ataatsimiititaliap isumaqatigiittup **inassutigaa**.

Taama oqaaseqarluni inatsisissatut siunnersuut Inatsisinut Ataatsimiititaliamit aappassaaniigassannngortinneqarpoq.

Tapiissuteqarnissamik qinnuteqaat Inatsisartut Siulittaasoqarfiannit sularineqareerpat naatsorsuutillu kukkunerisuiikkat nassiunneqareerpata tapiissutit affaat tunniunneqassapput. Ukiumut siulianut naatsorsuutit kukkunerisuiikkat nassiunneqareerpata tapiissutit affaasa arlaat tunniunneqassapput. Taamatut uppersaalluni nalunaarut naatsorsuutillu kukkunerisuiikkat nassiunneqangippata tapiissutinik tunniukkumaakkat kinguartinneqassasut atuukkunnaassasulluunniit Inatsisartut Siulittaasoqarfiata aalajangersinnaavaa. Politikkikkut partiit naatsorsuutaasa tamanut saqqummiunneqarnissaat pillugu Inatsisartut inatsisaanni maleruagassat naapertorlugit naatsorsuutit tamanut saqqummiunneqassapput.

Imm.3. § 2, imm. 2-3, § 3, imm. 1 kiisalu § 4, imm. 1 malillugit tapiissutinik tigusisartut ukiut tamaasa qinnuteqarnerminnut ilanngullugu Inatsisartut Siulittaasoqarfiannut uppersaarlugu nalunaarutigissavaat qaammatisiutit ukiuanni qaangiuttumi tapiissutit naalackersuinikkut sulinermut ilumut atorneqarsimasut, kiisalu tamanna ingerlateqqinneqassamaartoq. Aammattaq ukiut tamaasa kingusinnerpaamik 30. juni ukiumut siulianut naatsorsuutinik kukkunerisuiikkanik Inatsisartut Siulittaasoqarfiannut nassiussisoqartassaaq. Tapiissuteqarnissamik qinnuteqaat Inatsisartut Siulittaasoqarfiannit sularineqareerpat naatsorsuutillu kukkunerisuiikkat nassiunneqareerpata tapiissutit affaat tunniunneqassapput. Ukiumut siulianut naatsorsuutit kukkunerisuiikkat nassiunneqareerpata tapiissutit affaasa arlaat tunniunneqassapput. Taamatut uppersaalluni nalunaarut naatsorsuutillu kukkunerisuiikkat nassiunneqangippata tapiissutinik tunniukkumaakkat kinguartinneqassasut atuukkunnaassasulluunniit Inatsisartut Siulittaasoqarfiata aalajangersinnaavaa. Naatsorsuutit tiguneqarpata Inatsisartut Siulittaasoqarfiannit tamanut saqqummiunneqassapput.

Imm. 4. § 6 malillugu tapiissuteqarfigineqarsimasut qinersinerup kingorna kingusinnerpaamik qaammatit pingasut qaangiunneranni uppersaarlugu Naalackersuisunut nalunaarutigissavaat aningaasat qinersineq sioqqullugu naalackersuinikkut suliniarnermut ilumut atorneqarsimasut. 25.000-init amerlanerusunik tapiissutisisimasut uppersaarlugu nalunaarumminnut ilanngullu-git tapiissutit atorneqarnerinut naatsorsuutinik kukkunerisuiikkanik nassiussaqaassapput. Taamatut uppersaarlugu nalunaaruteqartoqangippat imaluunniit naatsorsuutinik kukkunerisuiikkanik nassiussisoqangippat Naalackersuisut aalajangersinnaavaat tapiissutigineqarsimasut tamakker-lugit ilaannakorlugilluunniit utertinneqassasut.”

Isak Hammond,
Siulittaasoq
Inuit Ataqatigiit

Andreas Uldum
Demokraatit

Kristian Jeremiassen
Siumut

Storm Ludvigsen
Inuit Ataqatigiit

Andersine H. Kristiansen
Siumut